



Broj: 06-26-261/06

Sarajevo, 14. 09. 2004. godine

Federalno ministarstvo poljoprivrede, vodoprivrede i šumarstva, u skladu s odredbama člana 200. stav 1. Zakona o upravnom postupku ("Službene novine F BiH" broj 2/98 i 48/99), člana 20. stav 8. Zakona o šumama ("Službene novine F BiH" broj: 20/02 i 29/03), po zahtjevu „Šuma plan“ d.o.o. Čelinac, za izdavanja saglasnosti za obavljanje djelatnosti izrade šumskogospodarskih osnova, **i z d a j e**

RJEŠENJE

Daje se saglasnost preduzeću za projektovanje „Šuma plan“ d.o.o. Čelinac, sa sjedištem u Čelincu, ul. Vidovdanska b.b., da može vršiti poslove izrade šumskogospodarskih osnova za privatne šume.

O b r a z l o ž e n j e

„Šuma plan“ d.o.o. Čelinac, svojim zahtjevom broj: 54-08/06 od 23.08.2006. godine, zatražilo je od ovog Ministarstva saglasnosti za obavljanje djelatnosti izrade šumskogospodarskih osnova. Po obavijesti ovog Ministarstva broj 06-26-261/06 od 01.09.2006. godine zahtjev je dopunjen, a uz isti je dostavljena sljedeća dokumentacija:

- Rješenje (licenca) o ispunjavanju uslova za izvođenje projektantskih radova u šumarstvu broj 04-332-2479/05 od 14.04.2005. godine, izdato od strane Ministarstva poljoprivrede, šumarstva i vodoprivrede Republike Srpske,
- Rješenje o upisu u sudski registar „Šuma plan“ d.o.o. Čelinac, sa sjedištem u Čelincu, izdato od Osnovnog suda u Banjoj Luci, broj: U/1-40/05 od 04.02.2005. god., sa prilogima 1, 2, 3, 4 koji su njegov sastavni dio,
- Uvjerenje o poreznoj registraciji,
- Ugovore o radu na neodređeno vrijeme za stalno zaposlene diplomirane inženjere šumarstva, potvrde o kretanju u službi, izjave o tome na kojim poslovima i kojim preduzećima u kom periodu su radili i kopije radnih knjižica.

Uvidom u dostavljenu dokumentaciju utvrđeno je da „Šuma plan“ d.o.o. Čelinac, ispunjava uslove potrebne za poslove izrade šumskogospodarskih osnova za privatne šume, propisane članom 20. stav 8. Zakona o šumama, te je izdato rješenje (saglasnost) kao u dispozitivu.

Pouka o pravnom lijeku

Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor tužbom kod nadležnog kantonalnog suda u sjedištu prvostepenog organa, u roku od 30 dana od dana prijema ovog rješenja.

Tužba se predaje u dva primjerka direktno sudu ili šalje poštom preporučeno i taksirana sa 100,00 KM. Uz tužbu se prilaže osporeno rješenje u originalu ili prijepisu.



MINISTAR
Marko Božić, dipl. ing. agr.

Dostavljeno:

1. „Šuma plan“ d.o.o. Čelinac, ul. Vidovdanska b.b. Čelinac;
2. FMPVŠ, Odjeljenje za pravne i opće poslove;
3. FMPVŠ, Sektor za šumarstvo i lovstvo;
4. Arhiva.